

卷十三

書名 禮記註疏六十三卷
 撰者 漢 鄭玄 注, 唐 陸德明
 音義, 唐 孔穎達 疏
 卷 卷十三
 內容分類 經 禮-禮記-唐
 索書號 經部-彙刻-1
 編號 A 232600

彩色首頁1

東洋文化研究所漢籍目錄 編號: A 232600

東洋文化研究所漢籍目錄所藏漢籍善本文影像資料庫 索書號: 經部-彙刻-1

漢籍善本文影像資料庫文本禮記註疏六十三卷

版權所有: 東京大學 東洋文化研究所

使用上的注意事項

禮記註疏卷之一

漢鄭氏註

唐孔穎達疏

禮記

○陸德明音義曰此記


疏

正義曰夫禮者經天地

地未分之前故禮運云夫禮必本於太一是天地未
 分之前已有禮也禮者理也其用以治則與天地俱
 興故昭二十六年左傳稱晏子云禮之可以為國也
 久矣與天地竝但于時質略物生則自然而有尊卑
 若羊羔跪乳鴻雁飛有行列豈由教之者哉是三公
 既判尊卑自然而有但天地初分之後即應有君臣
 治國但年代縣遠無文以言案易緯通卦驗云天皇
 之先與乾曜合元君有五期輔有三名公卿大夫也又云
 事五行王亦有五期輔有三名公卿大夫也又云遠
 皇始出握機矩註云遂皇謂遂人在伏犧前始王天

東方文化學院東京研究所

No. 2390





禮記註疏卷第十三

漢鄭氏註

唐孔穎達疏

王制

司徒修六禮以節民性明七教以興民德齊八政以防
淫一道德以同俗養耆老以致孝恤孤獨以逮不足
上賢以崇德簡不肖以紂惡

註司徒地官卿掌邦教

者逮及也簡差擇也

○防本又作坊音同恤辛律反逮音代又大討反肖音笑紂敕

律命鄉簡不帥教者以告

註

帥循也不循教謂敖狠

不孝弟者司徒使卿簡擇以告者鄉屬司徒

帥音率循音

巡教本又作傲同五報反狠胡壑反弟大計反本又作悌耆老皆朝于庠元日習

射上功習鄉上齒大司徒帥國之俊士與執事焉

將習禮以化之使之觀焉耆老致仕及鄉中老賢者

朝猶會也此庠謂鄉學也鄉謂飲酒也鄉禮春秋射

國蜡而飲酒養老

朝直遙反庠音祥與音預蜡仕詐反

不變命國之

右鄉簡不帥教者移之左命國之左鄉簡不帥教者

移之右如初禮

中年考校而又不變使專徙其居

覲其見新人有所化也亦復習禮於鄉學使之觀焉



覲音冀復扶又反不變移之郊如初禮

郊鄉界之外者也稍出遠之後中年又為之習禮於郊學

于偽反下為親為不變移之遂如初禮

遠郊之外為其大亦為皆同曰遂遂大夫掌之又中年復移之使居遂又為習禮

於遂之學不變屏之遠方終身不齒

外齒猶錄也命鄉論秀士升之司徒曰選士

於司徒也秀士鄉大夫所考有德行道藝者

皆同行選宜司徒論選士之秀者而升之學曰俊士

使習禮者學大學升於司徒者不征於鄉升於學者

不征於司徒曰造士不征不給其繇役造成也能

習禮則為成士給音急徭本又作繇音遙樂正宗四術立四教

樂正樂官之長掌國子之教虞書曰夔命汝典樂

教胥子崇高也高尚其術以作教也幼者教之於小

學長者教之於大學尚書傳曰年十五始入小學十

八入大學樂音岳長竹丈反下同夔求龜反命女音汝順先王詩書禮樂

以造士順此四術而教以成是士也春秋教以禮

樂冬夏教以詩書春夏陽也詩樂者聲聲亦陽也

秋冬陰也書禮者事事亦陰也互言之者皆以其術



相成夏戶嫁反註及下註夏官同王太子王子羣后之太子卿大

夫元士之適子國之俊選皆造焉皆以四術成之

王子王之庶子也羣后公及諸侯適丁歷反下註同造才早反徐七

到凡入學以齒皆以長幼受學不用尊卑將出學

小胥大胥小樂正簡不帥教者以告于大樂正大樂

正以告于王此所簡者謂王太子王子羣后之大

子卿大夫元士之適子大胥小胥皆樂官屬也出學

謂九年大成學止也胥息餘反又息呂反下同王命三公九卿

大夫元士皆入學不變王親視學亦謂使習禮以

化之不變王又親爲之臨視重棄賢者子孫此習禮
皆於大學也不變王三日不舉去食樂重棄人

丘呂屏之遠方西方曰棘東方曰寄終身不齒棘

當熨熨之言偏使之偏寄於夷戎不屏於南北爲其

大遠○屏必郢反棘依註音熨又作熨蒲北大樂正

論造士之秀者以告于王而升諸司馬曰進士移

名於司馬司馬夏官卿掌邦政者進士可進受爵祿

也○司徒至進士○正義曰此一節論司徒修禮明

教上賢紕惡教學升進之士各隨文解之○修

大禮以節民性者六禮謂冠一昏二喪三祭四鄉五

相見六性稟性自然剛柔輕重遲速之屬恐其失中



故以六禮而節其性也○明七教以興民德者七教

卽父子一兄弟二夫婦三君臣四長幼五朋友六賓

客七也德者得也恐人不得其所故以七教以興舉

其民使之皆得其所也此六禮七教並是殷禮周則

五禮十二教也○齊八政以防淫者八政一曰飲食


二曰衣服三曰事爲四曰異別五曰度六曰量七曰

數八曰制淫謂過奢侈故以八政禁令之事以防淫

淫過之失貴賤向有故不云民淫○一道德以同俗

者道履踏而行謂齊一所行之道以同國之風俗敬

故如此王子公卿之子亦當須教其不肖者亦當退
 之自王太子以下至終身不齒論教王子等屏退之
 事但鄉人既卑節級升之故為選士俊士至於造士
 若王子與公卿之子本位既尊不須積漸學業既成
 即為造士於是大樂正之官總論鄉人造士及王子
 等造士以告於王升諸司馬故云大樂正論造士之
 秀者以告於王而升諸司馬曰進士是總包鄉人及
 王子及公卿之子學業成者○**註**帥循至司徒○正
 義曰帥循也爾雅釋詁文云鄉屬司徒者六鄉大夫
 皆司徒統理周禮鄉皆屬地官是鄉屬司徒也○耆
 老至事焉司徒命此鄉學簡擇不帥教者以告司徒
 司徒乃命鄉內耆老皆聚會於鄉學之庠乃擇善日
 於鄉學內為此不帥教之人習其射禮中者在上故
 云上功又於鄉學習此鄉飲酒之禮令老者居上故
 云上齒欲使不帥教之人觀其上功自勵為功觀其
 上齒則知尊敬長老夫司徒帥領國之英俊之士與
 在鄉射飲酒執行事焉使俊士與之以為榮恐者慕
 之而自勵此言國之俊士則非惟鄉內之人○**註**耆者




老至養老○正義曰總言耆老其數則眾故知致仕
 及鄉中老賢致仕則書傳略說云大夫為大師士為
 少師是也鄉中老賢謂鄉人不仕年老有德行者故
 鄉飲酒云以告于先生君子可也註云先生鄉中致
 仕者君子國中有盛德者云朝猶會也者恐有朝王
 之嫌故云朝猶會也云此庠謂鄉學也者以習射上
 功在州學習鄉上齒在黨學恐此是州黨之學故云
 庠鄉學也謂初時耆老聚會於庠學乃擇元日就州
 學習射即黨學習習鄉射習鄉各在一處則不得同
 日也云鄉謂飲酒也者言經中習射謂飲酒者此鄉
 既有上齒之文故知謂鄉飲酒也云鄉禮春秋射者
 按州長職云春秋而射于州序然則射在州序而云
 鄉射禮者州屬於鄉雖在州序亦得謂之鄉或可鄉
 居此州更不立州學若州之有事則就鄉學是鄉學
 得為射也云鄉禮春秋弟者解習射之處也云國蜡
 而飲酒養老者周之十二月國家蜡祭之時黨正鄉
 飲酒而養老按黨正云國索鬼神而祭祀則以禮屬
 民而飲酒于序以正齒位知此經習鄉非正月鄉學

飲酒者以鄉學飲酒無正齒位之事此云上齒按黨
 正職云壹命齒於鄉里再命齒於父族三命而不齒
 又禮記鄉飲酒義云六十者坐五十者立侍故解此
 鄉為黨正飲酒謂之鄉者黨鄉之屬故云鄉也或鄉
 之所居之黨不必立黨學黨之正齒位就鄉學為之
 亦謂之飲酒○**註**中年至觀焉○正義曰按學記一
 年視離經辨志三年視敬業樂羣五年視博習親師
 七年視論學取友謂之小成九年知類通達上云命
 鄉簡不帥教者謂初入學一年之終簡不帥教者
 之人為之習射習鄉此註云中年考校而又不變中
 猶間也謂間一年而考校之時不變者右鄉者移左
 左鄉者移右下云不變移之郊者謂五年之時更簡
 不帥教者故註云中年又為之習禮間四年之下一
 年也下云不變移之遂者謂七年之時故註云又中
 年移之遂間六年之下一年也下云不變屏之遠方
 者謂九年之時鄭註不云間年者以九年限極不須
 云間年也云亦復習禮於鄉學者習禮謂習射上功
 習鄉上齒故經云如初○**註**郊鄉至郊學○正義曰




此郊謂近郊也以遠郊之內六鄉居之若鄉民近國
 城及國內之人其學在國中或在公宮之右或在公
 宮之左故前云右鄉若鄉人遠國城在近郊之外者
 則學在近郊其習禮亦鄉大夫臨之○**註**遠郊至之
 學○正義曰按司馬法曰百里郊二百里野遂人云
 掌邦之野既一百里為野遂之所居故知遠郊之外
 云遂大夫掌之者謂遂大夫掌所職二百里中也且
 此不帥教者移之在遂不應鄉大夫臨之故亦遂大
 夫掌之遂大夫亦帥國之俊選於遂學而行禮也但
 六鄉州學主射黨學主正齒位遂則縣與州同鄙與
 黨同未知縣正主射鄙師主正齒位與否亦應與鄉
 不異但周禮不備耳但縣鄙皆屬於遂雖各立學總
 曰遂學或遂之所居縣鄙不立縣鄙之學有事則在
 遂學與鄉同○**註**遠方至錄也○正義曰九州之外
 於周則夷鎮蕃也蓋隨罪之輕重而為遠近之差若
 王子公卿之子雖屏夷狄但居夷狄之內地故下註
 云不屏於南北謂其大遠明鄉人則屏於南北也齒
 猶錄也者按文王世子云古者謂年齡齒亦齡也以

年相次是錄其長幼故云齒猶錄也。○註移名至藝者。○正義曰大司徒之官命鄉大夫論量考校此鄉學之人有秀異之士者升於司徒先名惟在鄉今移名於司徒謂錄名進在司徒其身猶在鄉學云秀士鄉大夫所考有德行道藝者謂鄉大夫考此鄉學之人有德行道藝者德行謂孝友之徒道藝謂多才藝此惟升名司徒未即貢舉入官也按鄉大夫云三年則大比攷其德行道藝而興賢者能者謂鄉人有能升於天府身則任以官爵則下文云大樂正論造士之秀者以告於王而升諸司馬曰進士彼據鄉人故三年一舉此據學者故中年考試殷周同也熊氏以為此中年舉者為殷禮鄉大夫三年舉者周法其義非也。○註可使至大學。○正義曰按內則云二十而冠始學禮此升於大學曰選俊之人年以二十故可使習禮云學大學者按尚書尚傳云王子公卿大夫元士之適子十五入小學二十入大學又書傳略說餘子十三入小學十八入大學其鄉人當與餘子同




故知二十習禮之時在大學也此升於學者謂身升於大學非惟升名而已。○註不征至成士。○正義曰征謂力役故云不給繇役此繇役者俱學及司徒細碎之繇役也上文命鄉論秀士升之司徒曰選士者雖升名司徒猶給鄉之繇役以藝業未成次云司徒論選士之秀者而升之學曰俊士者身雖升學亦以學未成猶給司徒繇役若其學業既成免其繇役定本云升之學無大字升諸司徒則不征於鄉升之於學則不征於司徒皆免其繇役者是為造成之士云能習禮則為成士者以二十習禮以立身故為成士然習禮必年二十按書傳適子二十入大學餘子十八入大學然則升名司徒未入大學已能習禮為造士者二十習禮舉其大綱若其性識聰明則亦早能習之。○註樂正至大學。○正義曰樂正掌國子之教者按周禮大司樂掌成均之法以教國子引虞書命汝典樂教胄子者證以樂官教胄子之義孔註尚書云胄長也謂王子公卿大夫元士之子云高尚其術以作教也者謂樂正之官當光揚尊崇此四術以

為教謂敷暢義理贊明旨趣使學者知之引尚書傳曰以下書傳略說文順先王詩書禮樂以造士樂正之官依順此古者昔先王之道則詩書禮樂是先王之道造成此士術者是道路之名詩書禮樂是先王之道路謂之術。○**註**春夏至相成。○正義曰鄭以經云春秋教以禮樂則秋教禮春教樂冬夏教以詩書則冬教書夏教詩故云春夏陽也詩樂者聲聲亦陽也所以詩得為聲者詩是樂章詩之文義以樂聲播之故為聲若以聲對舞則聲為安靜舞為鼓動舞為陽聲為陰故大胥云春釋菜合舞秋頒學合聲是也就舞之中奮動甚者屬陽奮動靜者屬陰故文王世子云春夏學于戈秋冬學羽籥是也云秋冬陰也書禮者安靜故云書禮者事事亦陰也文王世子云秋學禮冬讀書與此同也云互言之者皆以其術相成者若不互言當云春夏教以樂詩秋冬教以禮書則是春夏但教以樂詩不教禮書秋冬但教以禮書不教以樂詩言其四術不可暫時而闕今交互言之云春教



樂明兼有禮秋教禮兼有樂夏教詩兼有書冬教書兼有詩故云皆以其術相成但遂其陰陽以為偏主耳。○**註**皆以至諸侯。○正義曰皆以四術成之解經皆造焉謂王大夫士之子國之俊選皆以四術造焉云王子王之庶子也者以經云王太子乃云王子故知是庶子也云羣后公及諸侯者以經羣后之下即云卿大夫士無諸侯之文故知羣后之中是三公及諸侯也。○**註**皆以長幼受學。○正義曰長幼受學雖王太子亦然故文王世子云將君我而與我齒讓何也是其事也。○**註**此所至止也。○正義曰此所簡者謂王太子以下者承上鄉之學下恐所簡兼有鄉人故明之也云大胥小胥皆樂官屬也者按周禮大司樂中大夫二人大胥中士四人小胥下士八人皆屬大司樂故云樂官屬也云出學謂九年大成學止也者以上文鄉人中年考校恐此亦中年故明之也知九年者以下即云王親視學不變王三日止也。○**註**習禮皆於大學也。○正義曰若殷人習

禮在於大學即明堂位云瞽宗殷學文王世子云禮在瞽宗殷之大學也故鄭註儀禮鄉射云周立四代之學為周之大學也故鄭註儀禮鄉射云周立四代之學於國而又以有虞氏之庠為鄉學則周之尋常習禮於殷學之中至九年為王子不變其習禮當於東膠大學然則餘子十八入大學嫡子二十八入大學者皆是殷法也若周法立當代大學在公宮左大學即東膠也又立小學於西郊小學即有虞氏之庠其習書於虞氏之學習禮樂於殷之學習舞於夏后氏之學故文王世子云春夏學于戈秋冬學羽籥皆於東庠春誦夏弦大師詔之瞽宗又云禮在瞽宗書在上庠詩則無文鄭註云弦謂以絃播詩則習詩亦在瞽宗然詩與禮樂雖各在其學習之至二十八入大學之時仍於大學之中兼習四術故此註云習禮皆於大學是周之大學亦習禮也禮既在瞽宗又在大學則其餘亦可知也○**註**棘當至大遠○正義曰棘之言偏者按漢書云西南有樊夷知非彼夷而讀為偏者以與寄文相對寄非東方夷名是寄之意則樊



西方夷名故以為偏寄於夷狄也云不屏於南北為其大遠者按漢書地理志云南北萬三千里東西九千里又**世**應爾皆南北長東西短故鄭此註云不屏於南北為其大遠○大樂至進士○此大樂正之官論造士之中最秀異者以告於王而升名於司馬論之曰進士言進受爵祿也此文承王子公卿大夫之子下似專據王子等其實鄉人入學為造士者亦同於此其鄉人不在學者及邦國所貢之士所貢於王亦當升諸司馬以司馬掌爵祿故有司士屬焉其職云以德詔爵以功詔祿即知但入仕者皆司馬主之下文更不見鄉人及邦國所貢之士故知此中兼之但文不具耳

司馬辨論官材**註**辨其論官其材觀其所長○其論如字舊力困

反論進士之賢者以告於王而定其論**註**各署其所

長論定然後官之國使之試守任官然後爵之國命

之國任而金位定然後祿之大夫廢其事終身不仕

死以士禮葬之國以不任大夫也有發則命大司徒

教士以車甲國乘兵車衣甲之儀有發謂有軍師發

卒國卒子忽反國凡執技論力適四方羸股肱決射御

國謂環衣出其臂脛使之射御決勝負見勇力國其綺

反本或作伎後同羸本又作羸力果反肱古弘反環

舊音患余讀宐音宣依字作擗字林云擗擗臂也先

全反脛胡定國凡執技以事上者祝史射御醫卜及百

工國言技謂此七者凡執技以事上者不貳事不移



國欲專其事亦為不德出鄉不與士齒國賤也於

其鄉中則齒親親也仕於家者出鄉不與士齒國亦

賤國司馬至士齒國正義曰此一節主論司馬之官

辨論官材大樂正論造士之秀者以告於王王必以

樂正所論之狀授與司馬司馬得此所論之狀乃更

論辨之觀其材能高下知其堪任何官是準擬其官

以其材故云官材也論進士之賢者謂司馬辨論

之後不堪者屏退論量進士賢者以告於王告王之

時而正定其論各署其所長若長於禮者署擬於禮

官長於樂者署擬於樂官論定然後官之者謂既

死葬以士禮致仕以大夫禮葬是也。○有發至車甲。○有發謂國有軍旅以發士卒是司馬之事。王則命大司徒教此士卒以車甲之事。謂教以乘兵車及衣甲之儀容。必司徒者以司徒主衆又主教故與司馬相參也。○**國**有發至發卒。○正義曰知發是發卒者以經云教士以車甲故知發謂軍師發卒也。○**凡**至士齒。○**國**執技之士凡有三條。上條論課試武夫技藝之事。中條論執技之人并射御之外。祝史醫卜之等。下條論執技之人不得更爲二事。以其賤故出鄉不與士齒。○**凡**執技論力適四方。羸股肱決射御者言此既無道藝惟論力。事上故適往四方境界之外。則使之擐露臂脛角材力。決射御勝負見勇武。○**國**言技謂此七者。○正義曰七者謂祝一史二射三御四醫五卜六百工七射。御前經以顯此重云者上論所試之時。此論與祝史醫卜並列見其色目。○**國**欲專其事亦爲不德。○正義曰所以不貳事不移官者欲使專一其所有之事。非但欲使專事亦爲技藝賤薄不是道德之事。故不許之。

司寇正刑明辟以聽獄訟

國司寇秋官卿掌刑者辟罪

也。○辟婢亦**必三刺**以求民情斷其獄訟之中一

也。反註同。○**國**曰訊羣臣二曰訊羣吏三曰訊萬民。○刺七智反殺也。斷丁亂反下

制斷斷計同中。如字又竹仲反。○**國**有旨無簡不聽。○簡誠也有其意無

其誠者不論以爲罪附從輕。○附施刑也求出之使

從輕赦從重。○雖是罪可重猶赦之。凡制五刑必卽

天論。○制斷也卽就也必卽天論言與天意合。閔子

曰古之道不卽人心卽或爲則論或爲倫。○論音倫理也註同

郵罰麗於事。○郵過也麗附也過人罰人當各附於

其事不可假他以喜怒○郵音尤俗作郵麗郎計凡反當丁郎反假古雅反聽五刑之訟必原父子之親立君臣之義以權之○

權平也意論輕重之序慎測淺深之量以別之○意

息念也淺深謂俱有罪本心有善惡○量徐音亮後皆同別彼列反

悉其聰明致其忠愛以盡之○盡其情疑獄汜與眾

共之眾疑赦之必察小大之比以成之○小大猶輕

重已行故事曰比○汜本又作汎乎劔反必利反註同例也成獄辭史

以獄成告於正正聽之○史司寇吏也正於周鄉師

之屬今漢有正平丞秦所置○平彼命反正以獄成告於



大司寇大司寇聽之棘木之下○周禮鄉師之屬辨

其獄訟異其死刑之罪而要之職聽於朝司寇聽之

朝王之外朝也左右棘孤卿大夫位焉右九棘公侯

伯子男位焉面三槐三公位焉○棘紀力反要之於妙反謂要最舊一遙

反槐回○大司寇以獄之成告於王王命三公參聽之

懷○王使三公復與司寇及正其平之重刑也周禮王

欲免之乃命公會其期三公以獄之成告於王王三

又然後制刑○又當作宥宥寬也一宥曰不識再宥

曰過失三宥曰遺忘○又義作宥忘音妄凡作刑罰輕無赦○

法雖輕不赦之為入易犯○為于偽反易以刑者側

也側者成也一成而不可變故君子盡心焉○變更

也○刑析言破律亂名改作執左道以亂政殺○析

言破律巧賣法令者也亂名改作謂變易官與物之

名更造法度左道若巫蠱及俗禁○析息歷反亂名

巧起教反又作淫聲異服奇技奇器以疑眾殺○淫

聲鄭衛之屬也異服若聚鵠冠瓊弁也奇技奇器若

公輸般請以機窆○鵠伊必反徐音逆行偽而堅言

偽而辯學非而博順非而澤以疑眾殺○皆謂虛華



捷給無誠者也○行下孟反華假於鬼神時日不筮

以疑眾殺○今時持喪葬築蓋嫁取卜數文書使民

倍禮違制○日入此四誅者不以聽○為其為害大

而辭不可習凡執禁以齊眾不赦過○亦為人將易

犯有圭璧金璋不粥於市命服命車不粥於市宗廟

之器不粥於市犧牲不粥於市戎器不粥於市○尊

物非民所宜有戎器軍器也粥賣也○璋之用器不

中度不粥於市兵車不中度不粥於市布帛精麤不

中數幅廣狹不中量不粥於市姦色亂正色不粥於

市國凡以其不可用也用器弓矢耒耜飲食器也度

丈尺也數升縷多少○中竹仲反下皆同幅方服錦反耒耜上力對反下音似

文珠玉成器不粥於市衣服飲食不粥於市國不示

民以奢與貪也成猶善也五穀不時果實未孰不粥


於市國物未成不利人木不中伐不粥於市國伐之

非時不中用周禮仲冬斬陽木仲夏斬陰木○夏戶嫁反下

春夏禽獸魚鼈不中殺不粥於市國殺之非時不中

用月令季冬始漁周禮春獻鼈蜃○蜃常忍反雉化爲之關執

禁以譏禁異服識異言國關竟上門譏呵察○竟音境苛音



何又呼河反國論司寇至異言○正義曰此一節總明

解之從此至赦從重論司寇正刑明辟之法○正刑

明辟者謂司寇當正定刑書明斷罪法使刑不差二

法不傾邪以聽天下獄訟○必三刺者言正刑明辟

聽訟之時刑法宜慎不可專制故必須三刺以求民

情有旨無簡不聽求民情既得其所犯之罪雖有旨

意無誠實之狀則不聽之不論以爲罪也○附從輕

者附謂施刑施刑之時此人所犯之罪在輕重之間

可輕可重則當求可輕之刑而附之則罪疑惟輕是

也○赦從重者謂所犯之罪本非意故爲而入重罪
今放赦之時從重罪之上而赦之其意輕故也○即上
書云青災肆赦是也○國一曰至萬民○正義曰按
周禮司刺云壹刺曰訊羣臣再刺曰訊羣吏三刺曰
訊萬民刺殺也謂欲殺犯罪之人其一問可殺與否
於羣臣羣臣謂公卿大夫士其二問可殺與否於羣
吏羣吏謂庶人在官者其三問可殺與否於庶人庶
人謂萬姓衆來觀者此三刺雖以殺爲本其被刑不
豐已流

殺者亦當問之。○**簡**簡誠至為罪。○正義曰：旨意也。簡誠也。言犯罪者雖有其意而無誠實者則不論之。以為罪也。○**附**附從輕施刑。從輕皆從重。入輕所以再見其文者。從重與上附從輕。皆是從重。謂放赦從重所以異也。○**重**重施於刑。罰必附本情。○必即天論者。即就天意。論議言制五刑之時。必就上天之意。論議輕重。天意好生。又有時以生有時以殺。言論議刑時亦當好生。又就天道使生殺得中。論或為倫。倫理也。謂就天之倫理。即是好生及好殺得中之理。故鄭云：言與天意合。○**郵**郵罰麗於事者。郵過也。謂斷人罪過。罰謂責罰其身。麗附也。言斷其罪過及責罰其身。皆依附於所犯之事。不可離其本。事假他別事而為喜怒也。○**制**制斷至為倫。○正義曰：經云：制五刑必論古人造制。五刑下云：必即天論及郵罰麗於事。皆論斷罪之法。故以制為斷。非言初制五刑制是裁制。故為斷也。引閔子曰：古之道不即人心者。證經即為即就之義。按




宣元年公羊傳云：古者臣有大喪則君三年不呼其門。已練可以弁冕服。金革之事君使之。非也。臣行之禮也。閔子要經而服事。既而曰：若此乎？古之道不即人心。退而致仕。孔承蓋善之也。閔子性善。以為在喪從戎。不即人情。為制此禮。是古之所制。故閔子嫌之言論。或為倫者。諸本或有作倫者。故云：或為倫也。○**凡**凡聽至成之。○原本也。權平也。凡犯罪之人。或子為父。隱臣為國。諱雖觸刑禁。而非其本惡。故聽訟者本其宿情。立其恩義。為平量之。恕而免放。○意論輕重之序者。意謂息念也。聽訟者以盡意息念。論量罪之輕重。次序不有越濫也。○**慎**慎測淺深之量。以別之者。謂謹慎測度罪人。意之善惡。淺深之量。以別之。謂分別善惡。使不相亂。○**悉**悉其聰明。致其忠愛。以盡之者。謂聽獄之人。盡悉已之聰明。尋其事之根本。又致其忠恕。仁愛。不使嚴酷。枉濫。以盡犯罪人之情。不有抑屈。○**疑**疑獄。汜與眾共之者。疑獄。謂事可疑。難斷者。也。汜廣也。已若疑彼罪。而不能斷。決當廣與眾庶共論。決之也。眾疑赦之者。若眾人疑惑。則當放赦之。故書云

與其殺不辜寧失不經。○必察小大之比以成之者。小大猶輕重也。比例也。已行故事曰比。此言雖疑而赦之不可直爾而放。當必察按舊法輕重之例以成於事。○成獄至制刑。○成獄辭者謂獄吏初責覈罪人之辭已成也。吏以成辭告於正者。史司寇也。正聽之正也。吏以成辭告於正也。○正聽之者正聽吏告罪成之辭而又聽察也。○正以獄成告於大司寇者正聽已竟又列獄成之辭告於大司寇也。○大司寇聽之棘木之下者大司寇得正之告而又聽察於棘木之下謂王之外朝也。○大司寇以獄之成告於王者大司寇與公卿在朝槐棘之下以獄訟成以告於王也。○王命三公參聽之。王既得司寇之告成辭而刑辟不可謬妄故王又命三公與司寇及正更共參準聽之也。○三公以獄之成告於王者三公參聽得其情實以獄成辭以告於王也。○王三又者三三事也。又當為宥宥寬也。王得三公之告則以三事命寬之也。○正於至所置。○正義曰按周禮鄉師屬地官不掌獄訟而云鄉師者鄉謂鄉士也。師謂士



師也。云之屬者謂遂士縣士方士之等。云今漢有正平丞秦所置者按漢書百官公卿表廷尉秦官掌刑辟有正左右監宣帝地節三年初置左右平鄭見古有正連言乎耳。此王制多是殷法秦則放殷置之。○周禮至位焉。○正義曰周禮鄉師之屬至職聽於朝是鄉士及遂士縣士職文云異其死刑之罪者鄭云異謂殊其文書謂殊異其應死刑之罪別為簿書而要之鄭云要之為其罪法之要辭如今劾奏即是囚之狀辯為要狀云司寇聽之朝王之外朝也者按朝士職掌外朝之法云左嘉石平罷民焉右肺石達窮民焉罷民則是犯罪之人故知聽於外朝也云左九棘至三公位焉皆朝士職文故其職云左九棘故卿大夫位焉羣士在其後右九棘公侯伯子男位焉羣吏在其後面三槐三公位焉州長眾庶在其後鄭云棘取赤心而外刺槐之言懷也懷來人於此鄭康成以為此外朝位在臯門內庫門之外。○王使至其期。○正義曰經直云王命三公參聽之得知三公復與司寇及正共平之者以參聽之是三公之外共

至機空○正義曰淫聲鄭衛之屬者以鄭衛多淫風故鄭衛為淫聲云之屬者則桑間濮上之音故樂記云鄭衛之音亂世之音桑間濮上之音亡國之音是也云異服若聚鵠冠瓊弁者按僖二十四年左傳云鄭子臧好聚鵠冠鄭伯聞而惡之使盜殺之于陳宋之間瓊弁者僖二十八年左傳云初楚子玉自為瓊弁玉纓服虔註云謂馬飾云若公輸般請以機空者指其人巧謂之奇技指其機空謂之奇器故奇技奇器總謂般也下行偽至衆殺上行偽而堅者行此詐偽而守之堅固不肯變改言偽而辯者謂言談偽事辭理明辯不可屈止學非而博者謂習學非違之書而又廣博順非而澤者謂順從非違之事而能光澤文飾以疑於衆如此者殺按史記孔子為魯司寇七日而誅少正卯之類是也○皆謂至者也○正義曰習偽習非是虛華辯博而澤是捷給不可依用是無誠也○假於至衆殺○妄陳邪術恐懼於人假託吉凶以求財利假於鬼神時曰卜筮者謂假託鬼神假託時曰假託卜筮以疑於衆鬼神時曰卜筮共有




假文○今時至違制○正義曰謂今時之人持執此喪葬築蓋嫁娶卜數之文書以惑於衆妄陳禍福浪說妖祥築謂垣牆蓋謂舍宇○尊物至賣也○正義曰言圭璧金璋及犧牲戎器皆是尊貴於合蓄之物非民所宜有防民之僭偽也軍器防民之賊亂也○凡以至多少○正義曰此經之物古其合法度則得粥之其不合法度者則不得粥也○布帛精麤者若朝服之布十五升斬衰三升齊衰四升之類是也○廣狹者布廣二尺二寸帛則未聞鄭註周禮引逸巡守禮幅廣四尺八寸為尺鄭註四當為三則帛廣二尺四寸用器弓矢耒耜飲食器者既夕禮文既夕敦杆之屬即飲食器也○不示至貪也○正義曰錦文珠玉成器衣服等不粥者不示民以奢飲食不粥者不示民以貪此衣服飲食與珠玉連文據華美者不得粥之恐民貪若尋常飲食則得粥之不謂全不合有以其名位卑故也此錦文珠玉等是

華麗之物富人合有但不得聚之過多故云不粥於市不示民以奢也前文圭璧金璋各是一物即考工記金飾璋也皇氏以為用金為印璋按定本璋字從玉圭璧之類也且周時稱印曰璽未有稱璋皇氏之義非也

○**周禮**至陰木○正義曰此周禮山虞文鄭註云陽木生山南者陰木生山北者冬斬陽夏斬陰堅濡調○**關執禁**以譏禁異服識異言司關之官執此戒禁之書以譏察出入之人故云執禁以譏禁此身著異服之人又記識口為異言之人防姦偽察非違

大史典禮執簡記奉諱惡**簡記策書也諱先王名惡**

忌日若子卯**○惡鳥路反註****碗**大史至諱惡○正義曰此一經論大史之官典掌禮事國之得失是其所掌執此簡記策書奉其諱惡之事奉謂進也諱謂先王之名惡謂子卯忌日謂奉進於王以所諱所惡○**諱先王名**○正義曰下文云天子齊戒受諫傳云名終將諱之故以諱



為先王之名其實餘諱亦大史奉之故禮運云天子適諸侯必舍其祖廟不以禮籍入是謂天子壞法亂紀鄭註云以禮籍入謂大史典禮執簡記奉諱惡是亦諱諸侯之禮籍也云惡忌日若子卯者忌日謂先王之亡日及子卯故云若子卯紂以甲子日死桀以乙卯日亡已具下檀弓疏此惡亦謂餘事故誦訓云掌道方慝以詔辟忌鄭註云方慝四方言語所惡是也

天子齊戒受諫**歲終羣臣奏歲事諫王當所改為也**

○齊側皆反本亦作齊下皆同**司會以歲之成質於天子****司會冢****宰之屬掌計要者成計要也質平也平其計要****古外**

反計**冢宰齊戒受質****質王受之大樂正大司寇市**

三官以其成從質於天子**大樂正於周宗伯之屬**

市司市也於周司徒之屬從從於司會也大司徒大

司馬大司空齊戒受質百官各以其成質於三官大

司徒大司馬大司空以百官之成質於天子百官

此三官之屬百官齊戒受質受平報也然後休老

勞農報勞力成歲事斷計要也制國用

疏天子至國用。正義曰此下至制國用論歲終天

也。齊戒受諫者以其歲終舊來所施之事或有不

便須有改爲百官以此上諫於王天子以其事重故

先齊戒而後受於諫也。司會以歲之成質於天子司

會總主羣官治要故以一歲治要之成質於天子質

平也。謂奏上文簿聽天子平量之。冢宰齊戒受質

者冢宰是貳王治事故亦齊戒贊王受羣官所平之

事謂其王論定也大樂正大司寇市三官以其成從

質於天子者謂此三官各以其當司成要隨從司會

平於天子以周法言之司會總主羣官簿書則司徒

司馬司空簿書亦司會掌之質於天子所以下文司

徒司馬司空各質於天子不由司會惟大樂正大司

寇市三官從司會質於天子者司會總主治要先質

於王若今時先申帳目樂正司寇司市當司事少即

徑從司會以質於王其司徒司馬司空總主萬民其

事既大雖司會進其治要仍須各受質屬官親自質

於天子百官齊戒受質以司徒司馬司空質於天子

天子平斷畢當須報於下故在下百官齊戒受天子

所平之要。然後休老勞農者即十月蜡祭之時飲

酒勞農也。成歲事者斷定計要一歲事成乃制來

歲之國用故云制國用也。歲終至爲也。正義

曰知齊戒受諫是歲終者以下云休老勞農文相連

接故知是歲終也。以其歲終受質故知諫王當所改

爲謂改其舊事更爲新事故用歲終襄十四年左傳

師曠云正月孟春於是乎有之諫失常也彼諫王過

禮記疏 卷之十三 禮記

惡故用正月與此別也。○**司會**至計要。○正義曰：按天官司會中大夫二人屬冢宰故云冢宰之屬云。成計要也者按周禮註歲計曰會月計曰要日計曰成彼對文耳此則總而言之故云成計要也謂一歲簿書總要成就。○**大樂**至會也。○正義曰：按上文司會直云冢宰之屬不云於周此大樂正及市皆云於周者以此文司會與周禮正同故不須云於周此大樂正於周是大司樂此市亦於周為司市與周禮不同故以周禮明之云從從於司會也者以文承上司會質於天子故知從質者從司會也然此大樂正大司寇及市亦當受屬官之質以其事少文不見耳。○**百官**質故云三官之屬。○正義曰：司徒司馬司空受百官質故云三官之屬若以殷法言之按曲禮云司徒司馬司空三官分主九卿則兼羣官焉但大樂正大司寇司市特自質於天子也。

凡養老有虞氏以燕禮夏后氏以饗禮殷人以食禮周

人脩而兼用之。兼用之備陰陽也凡飲養陽氣凡

食養陰氣陽用春夏陰用秋冬。○**食音嗣**註及下註

如字徐以**五十**養於鄉六十養於國七十養於學達

尚反下同**於諸侯。**天子諸侯養老同也國國中小學在王宮

之左學大學也在郊小學在國中大學在郊此殷制

明矣。○**凡**養至諸侯。○正義曰此一節論虞夏殷周


氏云人君養老有四種一是養三老五更二是子孫

為國難而死王養死者父祖三是養致仕之老四是

引戶按年養庶人之老熊氏云天子視學之年養老


一歲有七謂四時皆養老故鄭此註凡飲養陽氣凡

學舍菜合舞秋頒學合聲通前為六又季春大合樂
 天子視學亦養老世子云凡視學必遂養老是總為
 七也○有虞氏以燕禮者盧氏云燕禮脫屣升堂為
 氏云燕者殺烝於俎行一獻之禮坐而飲酒以至於
 醉以虞氏帝道弘大故養老以燕禮○夏后氏以獻
 禮者崔氏云饗則體薦而不食爵盈而不飲依尊卑
 而為獻取數畢而已夏既受禫於虞是三王之首貴
 尚於禮故養老以饗禮相養敬也○殷人以食禮者
 崔氏云不飲酒饗大牢以禮食之殷人質素威儀簡
 少故養老以食禮○周人脩而兼用之者謂周人脩
 三代之禮而兼用之以養老春夏養老之時用虞氏
 燕禮夏后氏饗禮之法若秋冬養老之時用殷人食
 禮之法以周極文故兼用三代之法也皇氏云饗有
 四種一是諸侯來朝天子饗之則周禮大行人職云
 上公之禮其饗禮九獻是也其牲則體薦體薦則房
 烝故春秋宣十六年左傳云饗有體薦又國語云王
 公立飫則有房烝其所云飫即謂饗也立而成禮謂
 之為飫也其禮亦有飫食故春人云凡饗食共其食



米鄭云饗有食米則饗禮兼燕與食是也二是王親
 戚及諸侯之臣來聘王饗之禮亦有飲食及酒者親
 戚及賤臣不須禮隆但示慈惠故並得飲食之也其
 酌數亦當依命其牲折俎亦曰殺烝也故國語云親
 戚宴饗則有殺烝謂以燕禮而饗則有之也又左傳
 宣十六年云饗有體薦宴有折俎公當饗卿當宴王
 室之體也時定王饗士會而用折俎以國語及左傳
 故知王親戚及諸侯之大夫來聘皆折俎饗也其饗
 朝廷之臣亦當然也三是戎狄之君使來王饗之其
 禮則委饗也其來聘賤故王不親饗之但以牲全體
 委與之是也故國語云戎翟貪而不讓坐諸門外而體
 委與之是也此謂戎狄使臣賤之故委饗若夷狄君
 來則當與中國子男同故小行人職掌小賓小客所
 陳牲牢當不異也四是饗宿衛及耆老孤子則以醉
 為度故酒正云凡饗士庶子饗耆老孤子皆共其酒
 無酌數鄭云要以醉為度食禮者有飯有殺雖設酒
 而不飲其禮以飯為主故曰食也其禮有二種一是
 禮食故大行人云諸公三食之禮有九舉及公食大

夫禮之屬是也。二是燕食者。謂臣下自與賓客旦夕共食是也。按鄭註曲禮酒漿處右云。此大夫士與賓客燕食之禮。燕禮者。凡正饗食在席。燕則於寢。燕以示慈惠。故在於寢也。燕禮則折俎有酒而無飯也。其牲用狗。謂為燕者。毛詩傳云。燕安也。其禮最輕。升堂行一獻禮。畢而說。屨升堂坐飲。以至醉也。儀禮猶有諸侯燕禮一篇也。然凡燕禮亦有二種。一是燕同姓。二是燕異姓。若燕同姓。夜則飲之。其於異姓讓之。而止。故詩湛露天子燕諸侯。篇鄭箋云。夜飲之禮。同姓則成之。其庶姓讓之。則止。其此燕饗食致仕之老。皇氏云。則當用正饗正食。正燕之禮。以其有賢德者。不宜久立。當用折俎之饗。燕食之。食老人不合夜飲。當用異姓之燕禮。○兼用至秋冬。○正義曰。兼用之。備陰陽者。以燕之與饗。是飲酒之禮。是陽陽而無陰食。是飯飯是陰陰而無陽周兼用之。故云備陰陽也。云凡飲養陽氣。凡食養陰氣者。郊特牲文。所以飲養陽者。飲是清虛陽氣之象。食是形質陰體之義云。



陽用春夏陰用秋冬者。按郊特牲云。饗禘有樂而食嘗無樂。是故春禘而秋嘗。饗與禘連文。故知饗在春。食而嘗連文。故知食在秋。彼不云冬夏者。彼是殷禮。此言冬夏者。據周法也。或鄭因春而言夏。因秋而見冬。雖周冬夏不養老也。就如熊義去冬夏。則一年有五養老也。又春合舞。秋合聲。即是春秋養老之事。冬夏更無養老。通季春大合樂。有三養老也。熊氏以為春秋各再養老。故為一年七養老也。去冬夏猶為五次。燕次食。秋冬以食為主。亦有饗。先行食次燕。次饗。一日之中。三事行。畢義或然也。○五十至諸侯。○此謂子孫為國死難。而王養其父祖也。五十始衰。故養於鄉學。○六十養於國者。六十漸衰。養禮彌厚。故養之於小學。○小學在國中也。○七十養於學者。七十大衰。養禮轉重。故養於大學。○達於諸侯。盧王等以為養之事。非惟天子之法。乃通達於諸侯。盧王等以為養於鄉云。不為力政。養於國云。不與服戎。皆謂養庶人之老也。非鄭義。故鄭註云。國中。小學也。○國國至


明矣。正義曰：養於國與養於學，文相對。故知國亦是學也。六十少於七十者，六十者宜養於小學，七十者宜養於大學。故云：國中、小學、云在王宮之左者，據上文而知云。小學在國中，大學在郊。此殷制明矣。殷人養國老於右學，養庶老於左學。貴右而賤左，小學在國中，左也；大學在郊，右也。與殷同也。故云：此殷制明矣。以此篇從上以來，雖解為殷制，無正據可馮。因此小學、大學是殷制，不疑故云明矣。

八十拜君命，一坐再至，瞽亦如之。九十使人受命。謂

君不親饗食，必以其禮致之。音古五十異糧，六十宿

肉，七十貳膳，八十常珍，九十飲食不離寢膳。飲從於

遊可也。音古糧，糧也。貳，副也。遊，謂出入上觀。音古離力智



反觀古六十歲制，七十時制，八十月制，九十日修。雖

絞衾，衾冒死而后制。音古絞衾，衾冒一日二日而可為

者。音古絞，戶交反。給，其。五十始衰，六十非肉不飽，七十

非帛不煖，八十非人不煖，九十雖得人不煖矣。音古呼

温。音古煖，乃管。五十杖於家，六十杖於鄉，七十杖於國

八十杖於朝，九十者天子欲有問焉，則就其室以珍

從。音古尊養之。音古從，才用。七十不俟朝。音古大夫士之老

者，揖君則退。八十月告存。音古每月致膳，九十日有秩

秩常也。有常膳五十不從力政，六十不與服，戎七

十不與賓客之事八十齊喪之事弗及也力稍衰

也力政城道之役也與及也八十不齊則不祭也子

代之祭是謂宗子不孤與音預五十而爵賢者

命為大夫六十不親學不能備弟子禮七十致政

唯衰麻為喪致政還君事八十至為喪正義

衰與少不同之事各隨文解之七十養於大學至

於八十年漸衰弱不堪來學受養君以饗食之禮使

人就家致之其受君命之時理須再拜不堪為勞一

坐於地而首再拜於地人無目恐其傾倒拜君命

之時亦當如此故云亦如之五十至可也自此

以下雜記卿大夫士及庶人年老節制在家食養之

法隨年為品也五十異張者糗糧也五十始衰糧

宜自與不可與少壯者同也六十宿肉者轉老故

宿肉在帳下不使求而不得也七十貳膳者貳

副也膳善食也恒令善食有儲副不使有闕也八

十常珍者珍謂常食之皆珍奇美食尋常使有九

不離於寢膳飲從於遊可也者謂美善之膳水漿

之飲從於老人所遊之處其理可也六十至后制

故逆辦之也歲制謂棺也預為送終之具也年既衰老

大夫以下耳人君即位為禭不待六十也其椁則死


後為之以其葬尚除故檀弓云旬而布材是也七

豐已

卷之十三

禮記

不待朝事畢也。若不聽致仕，則祭義云：七十杖於朝，八十不俟朝。○八十月告存者，告謂問也。君每月使人致膳，告問存否。○九十日有秩者，以老年方極秩常也。君則日使人以常膳致之，故云：日有秩。○大夫至則退。○正義曰：按儀禮大射，卿大夫皆入門，右北面，公降立於阼階之東南，南鄉，揖大夫大夫皆入門，少進，彼鄭註云：變爾言，揖使近北者，爾揖君則退，謂就位，君揖之時，七十老者則退，故祭義註云：君揖之，卽退，不待朝事畢。其少壯者則待朝事之終也。○每月致膳。○正義曰：經直云：月告存，知非直遣人告問，存否，必知致膳者，以下云：九月告存，知非直遣人告子，欲有問焉，則就其室，以珍從，明八十每月告存之，時必當致膳也。○力稍至不孤。○正義曰：以上文歲制及杖於家之屬，兼舍大夫士及庶人之老，此五十不從力政及不與服戎，惟據庶人之事，故云：力政城道之役也。謂築城垣治道也。其大夫士六十未致仕，若爲軍將，當與服戎，故知此據庶人也。按異義禮戴說：王制云：五十不從力政，六十不與服戎，易孟氏



韓詩說：年二十行役，三十受兵，六十還兵。古周禮說：國中自七尺以及六十，野自六尺以及六十，有五百皆征之。許慎謹按：云五經說皆不同，是無明文所據。漢承百王而制，二十而役，五十六而免，六十五已老，而周復征之，非用民意，是許以周禮爲非，鄭駁之云：周禮是周公之制，王制是孔子之後，大賢所記，先王之制，今之正衛耳。六十而不與服戎，胥徒事暇，坐息之間，多其五歲，又何太違之云。徒給公家之事，云非用民意，取王制所云：力政挽引，築作之事，所謂服戎，謂從軍爲士卒也。二者皆勞於胥徒，故早舍之，如鄭此言：力政田役爲重，故云：五十免之，故此五十不從力政。祭義云：五十不爲甸徒也。戎事差輕，六十不與戎服。又孟氏說：六十還兵，是也。胥徒又輕，故野外六十五猶征之。若四郊之內，以其多役，其胥徒之事，六十則免。初受役之時，始年二十也。其野王城之外，力徒又少。胥徒之事，十五則征之，至六十五，其力政之事，皆二十受之。兵革之事，則三十受之。故易孟氏說：韓氏


皆云二十行役三十受兵也云是謂宗子不孤者以父是宗子年已八十子則代之而祭若父不為宗子則不主祭祀無祭可代今已父嫡子代父而祭之是有父之宗子按喪服云宗子孤為殤以無父則稱孤明有父則不孤故云是謂宗子不孤也○**賢者**命為大夫○正義曰經直云五十而爵鄭知非命為士而云大夫者以王制殷法殷則士無爵此經云而爵故知是大夫也此謂凡常之人有賢德故五十始為大夫若其有德不必五十則喪服小功章云大夫為昆弟之長殤是幼為大夫為兄之長殤

有虞氏養國老於上庠養庶老於下庠夏后氏養國老

於東序養庶老於西序殷人養國老於右學養庶老

於左學周人養國老於東膠養庶老於虞庠虞庠在

國之西郊**註**皆學名也異者四代相變耳或上西或



上東或貴在國或貴在郊上庠右學大學也在西郊

下庠左學小學也在國中王宮之東東序東膠亦大

學在國中王宮之東西序虞庠亦小學也西序在西

郊周立小學於西郊膠之言糾也庠之言養也周之

小學為有虞氏之庠制是以名庠云其立鄉學亦如

之膠或作緜糾居悠反徐居酉反練音求又音蚪有虞氏皇而祭深

衣而養老夏后氏收而祭燕衣而養老殷人罍而祭

鎬衣而養老周人冕而祭玄衣而養老**註**皇冕屬也

畫羽飾焉凡冕屬其服皆玄上纁下有虞氏十二章

周九章夏殷未聞凡養老之服皆其時與羣臣燕之服有虞氏質深衣而已夏而改之尚黑而黑衣裳殷尚白而縞衣裳周則兼用之玄衣素裳其冠則牟追章甫委貌也諸侯以天子之燕服為朝服燕禮曰燕朝服服是服也王者之後亦以燕服為之魯季康子朝服以縞僭宋之禮也天子皮弁以日視朝也音皇

本又作皇昇況甫反縞古老反又古報反纁許云反牟莫侯反追丁老反 **凡三王養老皆引年**音已而引戶按年當行復除也老人眾多非賢者不可皆養○復除上音福下如字又直慮反 **八十者一子不從政**



九十者其家不從政廢疾非人不養者一人不從政

廢廢於人事○養如字又以尚反 **父母之喪三年不從政齊**

衰大功之喪三月不從政將徒於諸侯三月不從政

自諸侯來徙家期不從政音自 **自從也**音基 **疏**有虞至


正義曰此一節明養致仕老及庶人老給賜之事各依文解之○皆學至如之○正義曰此三代養老之處雖其名不同以般人云右學左學虞氏云上庠下庠學記云黨有庠文王世子云學于戈羽籥於東

序以此約之故知皆學名也養老必在學者以學教孝悌之處故於中養老熊氏云國老謂卿大夫致仕

者庶老謂士也皇氏云庶老兼庶人在官者其致仕之老大夫以上當養從國老之法士養從庶老之法

故外養云邦饗者老掌其割亨鄭註王制周人養國老於東膠養庶老於虞庠是也虞殷尚質貴取有成

故大學在西小學在東夏周貴文取積漸長養故大學在東小學在西故云上庠右學大學也在西郊下庠左學小學也在國中王宮之東以虞殷質俱貴於西故併言之夏周為文皆上東故亦併言之云東序東膠亦大學在國中王宮之東西序虞庠亦小學也西序在西郊周立小學於西郊是也云周之小學於有虞氏之庠制者庠則後有室前有堂若夏后氏之序及周之學所在序者皆與庠制同其州黨之序則歇前而已序則豫也故鄉射云豫則鉤楹內堂則由楹外彼鄭註豫讀如成周宣榭火之榭是也云其立鄉學亦如之者以鄉學亦為庠制故上文云者老皆朝於庠是也周大學在國之西郊鄭駁異義云三靈一雍在郊者熊氏云文王之時猶從殷禮故辟廱大學在郊劉氏以為周之小學為辟廱在郊○皇冕至朝也○正義曰以皇與下冕相對故為冕屬按周禮有設皇邸又云有皇舞皆為鳳皇之字鳳羽五采故云畫羽飾之按上註云虞夏之制天子服有日月星辰此云夏殷未聞者以臯陶謨謂天子服有日月



之成文故云虞夏之制其實惟謂虞也云凡養老之服皆其時與羣臣燕之服鄭知然者以經云夏后氏燕服而養老周人玄衣而養老周人燕服玄衣故知養老燕羣臣之服也云有虞氏質深衣而已者深衣謂白布衣以質用白布而已質衣未聞皇氏云以為養老首還服皇冠崔氏云以為與夏周同未知然否按郊特牲云大古冠布齊則緇之大古則虞氏或用白布冠也云夏而改之尚黑而黑衣裳者以殷人尚白用縞衣夏既尚黑燕衣黑衣也云殷尚白而縞衣裳者縞白色生絹亦名為素此縞衣謂白白布深衣也云周則兼用之玄衣素裳者以經云玄衣而養老若衣裳俱玄則與夏不異又儀禮朝服緇布衣素裳緇則玄故為玄衣素裳上養老云周人修而兼用之故養老之衣亦修而兼用之云其冠則牟追章甫委貌也者按儀禮朝服首著玄冠玄冠即委貌以此推之則殷之朝服則皆著章甫之冠夏之朝服著牟追云諸侯以天子之燕服為朝服者以燕禮諸侯燕臣子用朝服明天子之燕亦朝服也引燕禮曰燕朝服

者證朝燕同云服是服也者言燕時服是玄衣素裳之服崔氏云天子燕畿內諸侯以緇衣燕畿外諸侯以玄冠諸侯各以爲朝服事無明文不可依也云王者之後亦以燕服爲之者玉藻云魯季康子朝服以縞若當時無朝服以縞康子不應服之明是宋人所著故康子僭效之宋既朝服以縞祀當朝服以玄云天子皮弁以日視朝也者玉藻文引之者證天子與諸侯朝服之別按詩類弁註云禮天子諸侯朝服以燕天子之朝服以皮弁服以皮弁服燕不用玄衣者詩所謂燕同姓諸公及異姓甥舅等故用皮弁尚質故也若燕其諸侯則用玄衣明諸侯則朝服以日視朝服則玄冕素裳也冠禮記云周弁殷夏收鄭云弁名出於槃槃大也言所以自光大也尋名出於幪幪覆也所以自覆飾也收言所以收斂髮也其制之異亦未聞冠禮記又云委貌周道也章甫殷道也毋追夏后氏之道也鄭註云委猶安也言所以安正容貌章明也殷質言以表明丈夫也毋發聲也追猶推也夏后氏質以其形名之其制之異同未聞○將徙

至從政○此謂大夫采地之民徙於諸侯爲民以其新徙當須復除但諸侯地寬役少爲人所欲故惟二月不從政○自諸侯來徙於家者謂諸侯之民來徙於大夫之邑以大夫役多地狹欲令人貪之故期不從政按旅師云新而之治皆聽之使無征役鄭註引此文以證之是據民之遷徙王肅及虞氏等以爲據仕者從大夫家出仕諸侯從諸侯退仕大夫非鄭義也

少而無父者謂之孤老而無子者謂之獨老而無妻者謂之矜老而無夫者謂之寡此四者天民之窮而無

告者也皆有常餼餼廩也○少詩照反下註少者同矜本又作鰥同古頑

反廩力餼寡孤獨之事無妻無夫謂之矜寡者按孝

經云男子六十無妻曰鰥婦人五十無夫曰寡舜年三十而尚書謂之鰥者以其父頑母嚚無爲娶之端

故雖三十而亦稱鰥詩云何草不黃何人不矜據久
役在外嫁娶失時亦謂之為矜矜與鰥同其男子無
妻亦謂之寡左傳云崔杼生成及彊而寡按劉熙釋
名云無妻曰鰥愁悵不能寐自恒鰥鰥然其字從魚
魚目恒不閉無夫曰寡寡保也保然單獨也無父曰
孤孤顧也顧望無所瞻見也無子曰獨獨鹿也鹿鹿
無所依也

瘖聾跛躄斷者侏儒百工各以其器食之 斷謂支節

絕也侏儒短人也器能也 瘖於金反啞也聾力東
反跛波我反蹇必亦反兩
足不能行 瘖聾至食之 王義曰此一節論矜恤
也侏音朱 疾民之事瘖謂口不能言聾謂耳不聞
聲跛蹇謂足不能行斷者謂支節解絕侏儒謂容貌
短小百工謂有雜技藝此等既非老無告不可特與
常餼既有疾病不可不養以其病尚輕不可虛費官
物故各以其器食之器能也因其各有所能供官役

使以廩餼食之按晉語云文公問八疾胥臣對云戚
施直縛註云使擊鍾遠除蒙璆註云璆是玉磬使擊
之侏儒扶廬註云扶持也廬戟柄也矇矇修聲註云
歌詠琴瑟聾噴司火註云使主然火其童昏瞶瘖侏
僂官師所不材宜於掌上是各以器食之外傳不云
跛躄此不云遠蔭戚施設文不其外傳瘖與僂置
於掌上此瘖與侏儒其
器食之者今古法異也

道路男子由右婦人由左車從中央 道中三途遠別

也 別彼列反 父之齒隨行兄之齒雁行朋友不相
下文并註同

踰 廣敬也謂於塗中 行如字一音戶 輕任并重
剛反下雁行同

任分班白不提挈 皆謂以與少者雜色曰班 必性
反本又作併提音啼 齒者也任謂有擔負者俱應

挈本亦作挈苦結反 齒者也任謂有擔負者俱應



擔負老少並輕則併與少者擔之也。○重任分者老少並重不可併與少者一人則分為輕重重與少者輕與老者。君子耆老不徒行庶人耆老不徒食。徒猶黨也。

大夫祭器不假祭器未成不造燕器。

造為也

造為也 大夫祭器

不假。○正義曰：皇氏云：此謂有地大夫故祭器不假。若無地大夫則當假之。故禮運云：大夫祭器不假。樂皆具非禮也。謂無地大夫也。

方一里者為田九百畝。

一里方三百步

方十里者為

方一里者為田九萬畝。方百里者為方十里者百

為田九十億畝。

億今十萬

力反

方千里者為方

百里者百為田九萬億畝。

萬億今萬萬也

方一

至億

萬。○正義曰：此一節論開方之法。總計天子畿外內諸侯之地。大夫各依文解之。○方一里者為田九百畝。按論語云：步百為畝。是長一百步。濶一步。畝百為夫。是一頃也。長濶一百步。夫三為屋。是三頃也。濶二百步。長一百步。屋三為井。是九百畝也。長濶一里。○**億**今十萬。○正義曰：方十里為田九萬畝。方百里者為方十里者百一箇。十里之方既為田九萬畝。則十箇十里之方為田九十萬畝。一箇十里之方為田九百萬畝。今云九十九億畝。是一億有十萬十億有。云百姓千品。萬官億醜。皆以數相十。此謂小億也。此鄭氏所用。毛詩傳云：數萬至萬曰億。是大億也。非鄭義。○**萬**億今萬萬也。○正義曰：計千里之方為方百里者百一箇。百里之方既為九十億畝。則十箇百里方為九百億畝。與數不同者。若以億言之。當云九千億畝。

若以萬言之當云九萬萬畝但書經戰國及秦之世
 經藉錯亂此經上下或億或萬字相交涉遂誤為萬
 億鄭朱註之前書本既爾鄭更不顯言其錯因此錯
 本萬億之言即云此經萬億者即今之萬萬皇氏以
 為億數不定或以十萬為億或以萬萬為億或以一
 萬為億此云萬億者祇是萬萬也六國時或將萬為
 億故云萬億但古事難
 委未知孰是故備存焉

自恒山至於南河千里而近冀州域自南河至於江

千里而近豫州域自江至於衡山千里而遙荆

州域自東河至於東海千里而遙徐州域自東河

至於西河千里而近亦冀州域自西河至於流沙

千里而遙雍州域西不盡流沙南不盡衡

雍州域用反



山東不盡東海北不盡恒山凡四海之內斷長補短

方三千里為田八十萬億一萬億畝九州之大計

音短方百里者為田九十億畝山陵林麓川澤溝瀆

城郭宮室塗巷三分去一其餘六十億畝以一大

國為率其餘所以授民也山足曰麓音律又音想

說自恒至億畝正義曰此一節論四海之內地遠

近里數也言千里而近者皇氏云自恒山至南河

以千里言之其地稍近言不滿千里下云自江至於

衡山千里而遙謂以千里言之其地稍遠言不啻千

里熊氏以為近者謂過千里遙者謂不滿千里其義

八十一故有八十一萬億畝但記文詳具於八十整數之下云萬億是八十個萬億又云一萬億言是詳也以前文誤為萬億此則因前文之誤更以萬億言之

古者以周尺八尺為步今以周尺六尺四寸為步古者

百畝當今東田百四十六畝三十步古者百里當今

百二十一里六十步四尺二寸二分周尺之數未


詳聞也按禮制周猶以十寸為尺蓋六國時多變亂

法度或言周尺八寸則步更為八八六十四寸以此

計之古者百畝當今百五十六畝二十五步古者百

里當今百二十五里古者至二分○正義曰古者

八寸為尺今以周尺八尺為



步則一步有六尺四寸今以周尺六尺四寸為步則

一步有五十二寸是今步比古步每步剩出一十二

寸以此計之則古者百畝當今東田百二十五畝七

十一步者餘與此百四十六畝三十步不相應也又

今步每步剩古步十二寸以此計之則古之百里當

今百二十三里一百一十五步二十寸與此經百二

十一里六十步四尺二寸二分又不相應故鄭云六

國時多變亂法度經文錯亂不可用也按禮至

五里○正義曰玉人職云鎮圭尺有二寸又云桓圭

九寸是周猶以十寸為尺也今經云以周尺六尺四寸為步乃是六十四寸則謂周八寸為尺也故云蓋六國時多變亂法度或言周尺八寸也鄭即以古周尺十寸為尺八尺為步則今步皆少於古步一十六寸八寸為尺八尺為步則今步皆少於古步一十六寸也是今步別剩十六寸云以此計之者謂以古步又以今周尺八寸八尺為步小剩十六寸而計之則古之四步剩出今之一步古之四步為今之五十步古之八十步為今之一百步計古之一畝之田長百

步待為今田一百二十五步是今田每一畝之上剩
 出二十五步則方百畝之田從北嚮南每畝剩二十
 五步總為二千五百步從東嚮西每畝剩二十五步亦
 總為二千五百步相伊為五千步是總為五十畝又
 西南一角南北長二十五步應南畔所剩之度東西
 亦長二十五步應西畔所剩之度計方二十五步開
 方乘之總積得六百二十五步六百步則為六畝餘
 有二十五步故云古者百畝當今百五十六畝二十
 五步也又古四步剩今一步則古者四里剩今一里
 為五里則古者四十里剩今十里為五十里則古者
 八十里剩今二十里總為百里是古者八十里為今
 百里今之百里之外猶有古之二十里四里剩一里
 其古二十里為今之二十五里故云古者百里當今百二十五里

方千里者為方百里者百封方百里者三十國其餘方
 百里者七十又封方七十里者六十為方百里者二



十九方十里者四十其餘方百里者四十方十里者
 六十又封方五十里者百二十為方百里者三十其
 餘方百里者十方十里者六十名山大澤不以封其
 餘以為附庸闕田諸侯之有功者取於闕田以祿之
 其有削地者歸之闕田

闕田音

方千至闕田正義曰此一經

論畿外九州建國之法九州州別方千里凡千里之
 方以開方計之為方百里者凡有一百故云為方百
 里者百封方百里者三十國者前文云○大國三十
 故此云封方百里者三十國謂公也以百中去三十
 故其餘方百里者有七十又封方七十里者六十為
 方百里者二十九方十里者四十謂侯國也凡百里
 之方開方計之為十里之方百其七十之國一用
 十里之方四十九七十里之國二則用十里之方九

十八則一個百里為七十里之國二剩十里之方二
 然則二十個七十之國用百里之方十剩十里方
 有二十七十里之國六十用百里之方三十剩十里
 之方六十今就百里之方三十里之中抽去十里之
 方六十是用百里之方二十九方十里者四十故其
 餘方百里者四十方十里者六十又封方五十里者
 百二十者上云小國百二十謂伯國也凡百里之方
 一封五十里之國四則十個百里之方封五十里之
 國四十今小國百二十故用百里之方三十則其
 餘方百里者十方十里者六十以為附庸閒田

天子之縣內方千里者為方百里者百封方百里者九
 其餘方百里者九十一又封方七十里者二十一為
 方百里者十方十里者二十九其餘方百里者八十
 方十里者七十一又封方五十里者六十三為方百



里者十五方十里者七十五其餘方百里者六十四

方十里者九十六

天子至十六。正義曰天子縣內地方千里為方百里者百既

用九個擬封百里之國故其餘方百里者九十一也又封方七十里者二十一者凡百里之方十為七十里之國二十剩十里之方二十九今以十里之方二十九更取其外十里之方二十九添前二十為四十九為七十之國一二次國二十一也總用百里之方七十之方二十九是其餘方百里者八十方十里者七十一又封方五十里者六十三者謂小國也凡百里之方一為五十里之國四則百里之方十為五十里之國四十又百里之方五為五十里之國二十總為五十里之國六十更有五十里之國三凡一個五十里之國用十里之方二十五則三個五十里國總用十里之方七十五是用地方百里者一十五方十里者七十五是其餘方百里者六十四方十里者九十六然畿外千里封國之外所餘地少其畿內千

里所餘地多者以畿外之土本擬封建諸侯故國數多餘地少畿內本為天子之有郊關鄉遂準擬公卿王子弟采邑故建國數少餘地多

諸侯之下士祿食九人中士食十八人上士食三十六人下大夫食七十二人卿食二百八十人君食二千八百八十人次國之卿食二百一十六人君食二千一百六十人小國之卿食百四十四人君食千四百四十人次國之卿命於其君者如小國之卿天子之大夫為三監監於諸侯之國者其祿視諸侯之卿其爵視次國之君其祿取之於方伯之地方伯為明

天子皆有湯沐之邑於天子之縣內視元士給齊

戒自潔清之用浴用湯沐用潘○祿食音嗣又如字下皆同為朝于偽反

潘如字徐才性反清如字徐反米汁也諸侯世子世國象賢也大夫不

世爵使以德爵以功謂縣內及列國諸侯為天子

大夫者不世爵而世祿辟賢也○辟音避未賜爵視天子

之元士以君其國列國及縣內之國也諸侯之大

夫不世爵祿○六禮冠昏喪祭鄉相見鄉飲酒鄉

射○冠古亂反七教父子兄弟夫婦君臣長幼朋友賓客

人政飲食衣服事為異別度量數制飲食為上衣

服次之事為謂百工技藝也異別五方用器不同也

度丈尺也量斗斛也數百十也制布帛幅廣狹也

竹丈反斛洪各反幅節論士大夫及諸侯等食祿

芳服反狹戶甲反節論士大夫及諸侯等食祿

以有諸侯之士既明則天子士同之可知故此依前而釋

外之卿也前云諸侯下士視上農夫故有九人也前

云上士倍中士故三十六也前云下大夫倍上士則

食七十二人前云卿四大夫祿則二百八十八人

君食二千至之卿○君謂大國之君也前云君十卿

祿故二千八百八十八人次國之卿食二百一十六人

者謂夏伯殷侯周則侯伯國也此大夫以下亦如大

國大夫而卿惟得三大夫祿耳故特言卿也○君食

二千一百六十人者君亦十卿祿也○小國之卿食

百四十四人者小國謂夏周子男殷之伯國也大夫

以下亦如大國大夫而卿則二大夫祿耳故君食千

四百四十人者君亦十卿祿也○次國之卿命於其

君○大國三卿皆命於天子則其祿各食二百八十

八人若次國三卿二卿命於天子祿各食二百一十

六人而一卿命於其君為賤則祿不可等命天子者

故視小國卿小國卿食一百四十四人也其若子男

一卿命於天子二卿命於其君則祿猶如此其命天



駁當從許說。謂縣至賢也。正義曰：知此大夫是天子大夫者，以下云諸侯之大夫，不世爵祿，此直云大夫不世爵與諸侯大夫文異，故知是天子大夫也。知是縣內及列國諸侯入為天子大夫者，按禮運云：天子有田以處其子孫，則周召畢原之等是縣內諸侯也。詩衛武公入相於周，又尚書顧命：齊侯為虎賁，衛侯為司寇，是列國諸侯也。並入為天子大夫，按司裘諸侯則共熊侯、豹侯是畿內亦曰諸侯，此不云諸侯而云大夫者，辟上諸侯世子之文，故云大夫然。畿內諸侯有為三公則周召是也，列國諸侯入為六卿則鄭武公是也。今總云為天子大夫者，若言公卿大夫於文為煩，故總言大夫以包之。詩云：三事大夫謂三公也。春秋諸侯殺大夫謂卿也。是大夫為總號。○未賜爵視天子之元士以君其國。○未賜爵謂列國諸侯及縣內諸侯其身既死，其子未得爵賜，其衣服禮制視天子元士若畿外者，君其本國畿內者亦若畿內之國，故鄭註云：列國及縣內之國，鄭必知兼畿外列國賢以詩小雅，韎韐有奭，謂諸侯世子未遇

錫命服士服而來，此云視天子之元士以君其國，故知兼列國也。其畿內諸侯有大功德，元子出封畿外，則王命次子行其秩邑，若其賢才，則世為公卿。則春秋周公召伯之屬是也。○諸侯之大夫不世爵祿，諸侯降於天子，故大夫不世爵祿，若有大功，德亦得世之故。隱八年：官有世功，則有官族，邑亦如之。是據諸侯卿大夫也。

禮記註疏卷之十三終

禮記註疏卷第十四

漢鄭氏註

唐孔穎達疏

月令第六

陸曰此是呂氏春秋十二紀之首後人刪合為此記蔡伯喈王肅云周公所作

疏

正義曰案鄭目錄云名曰月令者以其紀十二月政之所行也本呂氏春秋十二月紀之首章也以

家禮好事抄合之後人因題之名曰禮記言周公所作其中官名時事多不合周法此於別錄屬明堂陰

陽記此卷所出解者不同今且申鄭旨釋之案呂氏

章集諸儒所著為十二月紀合十餘萬言名為呂氏

春秋篇首皆有月令與此文同是一證也又周無大

尉唯秦官有大尉而此月令云乃命大尉此是官名不合周法二證也又秦以十月為歲終十月為受朔此云為來歲授朔口即是九月為歲終十月為受朔此

